

四庫全書

集部

欽定四庫全書

集部

僑吳集卷二

詳校官編修臣范來宗

中書臣劉源溥覆勘

總校官知縣臣繆琪

校對官典簿臣劉景岳

謄錄監生臣徐敦

欽定四庫全書

集部五

僑吳集

別集類四元

提要

臣等謹案僑吳集十二卷元鄭元祐撰元祐有遂昌雜錄已著錄元祐家本遂昌徙於錢塘而流寓平江凡四十年為時最久故其集名以僑吳實則杭州所作亦在其內蓋從其多者言之也集本其晚年所定以授謝徽今

此本後有宏治丙辰張習跋乃稱元祐本有
遂昌山人集與僑吳集多繁蕪重出因通錄
之得詩文之精純者併為十二卷仍名僑吳
集用梓以傳則此本為習所重訂非元祐手
編之本矣凡文六卷詩六卷其中與張德常
書有僕贊郡無補嘗移檇李之語而蘓大年
所作墓誌盧熊蘓州府志皆稱元祐以大府
薦兩為校官不言嘗為他職與元祐仕履不

合豈代人所作失於標註耶其文頗疎宕有
氣詩亦蒼古蓋元祐生于至元之末猶及見
咸淳遺老中間又得見虞集諸人得其緒論
末年所與游者亦皆顧阿瑛倪瓈張與之流
互相薰染其氣韻不同固亦有自來矣乾隆
四十五年三月恭校上

總纂官臣紀昀臣陸錫熊臣孫士毅
臣陸費墀

欽定四庫全書

僑吳集卷二

元 鄭元祐 撰

四言古詩

旌表孝義金門

出吳東門沄沄其水傳陸以居居民櫛齒不有孝義衆
向。所。時。孝。義。伊。何。曰。維。金。氏。百。五。十。襍。業。儒。循。軌。事。親。
養。志。同。氣。敬。順。兄。掌。家。鑰。弟。秉。文。印。不。矜。而。譽。不。言。而。
信。里。舉。鄉。推。事。騰。于。朝。用。旌。其。門。以。闡。教。條。張。書。扁。式。

與表邇遠守臣樹聲加示慶典坊名孝義大厥里門彰
善惲惡周書具存吳固沃土才隕于臘風頽俗靡事渺
儻古求若孝義幾何其心堪繼公藝價重南金克孝克
義我謠我歌借耰聞牆敦化猗那

高昌傑侯三節堂

惟天啟傑產自瀉水潤被北庭侯濟厥美挺事昌朝忠
武罕比戡金平宋策審功侈入毗廟堂默黎安只蠻酋
獸犧俟轅南指忠憤踴躍奮莫顧已忠誠貫天白虹觸

起辱辱孤嫠哭俟孔哀誓死靡他夫人貞哉貞哉夫人
夫死兒乳教兒能孝父志在汝齒方成童母病弗療刲
肱和糜人孰兒詔彼美至性移孝而忠撫字列城繼侯
英風侯既有子且復有孫孫皆讀書益大侯門相繼掇
科荐承寵光侯其來歸英爽樂康子佩金符孫榮紫綬
世訝其隆侯植之厚三節一貫何有夷險協於王風永
配令典

可齋

大哉宣聖以詩教我興觀羣怨皆與曰可誠篤是學感
發志意善善惡惡庶全美刺詩人得失於焉考見妍媸
在已反省母眩和以處衆不至於流設使雷同其道亦
繆懲創羞惡中惟一致溫柔敦厚慎勿暴氣用以事親
孝哉有子移以為忠曾不越此鳥獸草木名類匪一惟
篤學問旁資多識是我宣聖以詩設教下逮百王是則
是效嘉子嗜學尤勤於詩以可名齋義實在茲六義具
存既殫源委以詠以歌性情斯理

登鴻山弔梁伯鸞

我以飢驅爰求樂土注意山栖茲非其所敬弔夫子願
嗣德音隼捷擇高魚游擇深夫子當時五噫謳吟出都
接浙笑擲華簪歸隱杵臼傭力是任配諧德曜雖雖鼓
琴上窺羲軒以樂此心以樂此心儼古傲今而我肱折
罔知適從蠅附以驥兔胥以松式依夫子娛老考終優
哉悠哉歌以相眷

蘭

協以鼓琴世誰知音采呂紉佩湘江水深蘭生棘中如
石輔玉玉受不嗟幽香滿谷

為李繹成悼其妻馮氏

彼美者媛令姿靜淑姆教在肇懿範端肅擇配哲士聞
望右族讀書思榮焚膏繼晷媛來主饋克承夫志載緝
載紉裳衣補綴奉飧舉案翼若始祭倏遭百罹綵鳳分
飛鼓盆哭哀語及涕淚人孰無婦婦賢而睽永懷弗諼

爰形聲詩

春暉樓

陽春有暉泛在物表寸草承之弗間其小春暉熙熙彼
草離離區萌就質芃芃茂斯詩人載歌悉物之情子於
父母恩莫與京親恩之大春陽之溥子心如草膚寸思
補爰構重屋以奉父母以介眉壽其樂訏訏旨甘滫瀡
奉親之常寸草之微那報春陽孝子愛日孝子養志敬
親之枝勿蹈非禮揚親之譽悠久不已是謂可報寸草
春暉萬一攸在吾祈與歸

五言古詩

擬古五首

北辰衆星宗列宿環共之斗杓指其方生始悉所資萬卉春芃芃至秋悴如期蠢動罔弗然閑翕閑隨靜觀造化理在人豈其遺君象實有類萬古成綱維

仲尼去云遠吾道日以微達士忘賤貧安人紛是非時態良弗古乃致媿事希末路欲忘言屏跡避危機桐江有垂釣首陽有采薇清風蓋一世舍此其安歸

大道本常在為士者弗由窮居歎時邁逐世竟悠悠豪
強互吞劫雄智復相尤遂令務夸詐攘竊何時休所貴
者仁義勢力焉足謀懿教信遼矣民風此其媿默默掩
幽室感之紛淚流

春來桃杏華秋榮菊與杞豈但物性殊造化之所使人
生類如斯通塞固其理苟識吾性誠隱顯良有以

委身竹素間義理費考尋叢葉泰華高浩瀚滄溟深涉
之遠無津舉之力難任不如反諸已求諸聖賢心成湯

警日新大禹惜寸陰紛拏試屏絕請鼓無絃琴因之忘

肉味太古寥寥音

出塞七首效少陵

已踰烏盞山未涉狐奴水飢羸形骸黑枕戈侍明起將軍方蹋躡天地入馬籠吾儕亦何人一死等螻蟻

秦時閭左戍漢家弛刑徒觸體棄瀚海天陰哭嗚嗚我非望生還魂魄迷歸途但願戈矢利殺敵捐微軀吁嗟

載筆書不紀萬骨枯

受詔武臺宮西遮鈞營道扼虎射命中相從願深討躡
血焚龍庭以功當橫草平沙列部伍鮮整旄與葆奚慮
蛇豕繁一鼓櫂槍掃歸取萬戶侯歲月未云老

獮吞天山雪衣裂青海風前行幾千里不見單于宮走
馬脫轡頭所恃五石弓鄉井豈不懷簡書戒命洪黃塵
觸壘起勇奮奔貔熊鉅刀異莫邪所覬一割功

騎羊五歲兒出沒區脫中翻身異鳥鼠快捷如飛鴻生
理不土著水草無豐凶一戰那足平燕然方勒功

烽煙邊上發塞鴈羣南翔仰睇冥冥天風緊雨雪霜驅
馬上厓谷悲笳煙雲黃棄絕骨肉親詎弗懷故鄉軍聲
動効戟砲火燒衣裳鞠育非寡恩道遠不得將吞咽復
何憤思虜其名王

邊塵暮猶黑鬼燐出霜草展戰圖報國寧慮骨枯槁人
生無百年一斃不待老但願土境富微軀奚足道勲業
銘旂常秋天氣同杳

寄張仲敏

子居闔閭城有屋蔽風雨心融詩書澤口斷兒女語客
庖婦供饌茗竈手自鬻外屨多非却束脯乾可如何
舍之去晝墮緣棟鼠朱門盍華簪青冥無凡羽已隨鳳
鳴岡尚感鴈遵渚於以見貞操屯貞貴能處

仲春六日辱陳敬初諸君枉顧小飲敝樓分得

靜字

葱肆不嗅葷蕙門惟習靜何此枉飛佩諸君森相映方
慙乏詞鋒安知墮語穿酒杯淺於臍樓居小如磬敢云

諧謔歡遂忘跪跽敬飛花落硯席輕雲拂麈柄舍坐或
屢舞分題各成詠莫非江海士行應丘園聘顧我拓飛
蓬更春不復盛假如湛誠痴何嫌憲非病相會苟不樂
明朝雪盈鏡

贈譚臺史

高昌佳公子氣橫海岳秋玉壺洗零露錦機濯芳洲真
致埃塈外獨與神明遊峩峩鳳皇臺日晏行雲愁帝念
南紀大建臺分顧憂列聖耳目寄職斯布皇猷誰工古

人學可參憲臣謀之子被辟命束書上昇州煌煌三台
星列宿莫敢儔而子妙折旋婉變通衿喉不居世祿懿
遠慕儒術優先正高與馬德言皆可讎骨朽名不泯耿
光縣斗牛子能昂令聞席珍重天球况復五彩筆盡意
工冥搜飛花落棊局弱柳維江舟感此時物佳念子何
能休龍駒少汗血駑馬老益羞白雲高莫和青山曉加
稠日沒煙樹遠重倚城南樓

仙山樓觀圖

差義三神山仙聖之所居芝草布庭闈霞光曳衣裾渴
飲碧玉漿飢食紫琳腴霓旌冉冉下彤樓擁鸞輿青童
啟藏室帝命校寶書齊心始能讀字字皆玄樞朗詠以
相授靈風舞神魚天遠靡得聞何以能啟予空嗟珊瑚
日照耀金芙蓉

久旱得雨

望秋似即鹿以旱同無虞忽殄蘊蟲蟲屏翳騰龍魚乃
合霖霖雨涼氣吹鬢須未必便滂沛且掩羲和車高田

土生煙稿未仍盼蘇澤陂未萎稻引根勿躊躇一或薦
清廟猶與豐年俱憶昨歲巨浸流潦恒滿衢庶士宅一
廛下農田一區彼此竈產竈潭蛟為飢驅至今殍死鬼
夜夜哭其廬竭來獲一飽焉知陰慘舒焦原赤欲燒政
不妨官租民輸諒有幾廩收長有餘盜臣被華衣我口
何由糊悲歌等慟哭激烈誰非夫

送楊郡博赴任上饒

廣信山水邦字缺宮淨含暉陰陰松檜中白鶲時雨飛雨

餘岩泉落清音叶鳴徽泮沼紫鱗躍講壇紅杏菲藤蔓
遶澗石新綠羅成幃諸生繙經坐子衿間褒衣格言咀
芳潤與理宣幽微凡陋當脫屣聖哲胥乘機遲師一指
授仁風敞巖扉

與張天雨楊廉夫陳子平諸公遊虎丘次東坡
韻

昔吳有縣精茲丘據其領前瞻埋金窯尚餘淬劒井簡
書畏懷異星日發光耿干將不刺兕牡鞠豈禁罷至今

點頭石斷非躍冶礦上機不由智大將寧論猛公剖儒
釋緒便從康莊騁詞鎬琬琰嚴聲抽轆轤哽掉鞅清靜
海不墮生死頃憶昔此來遊六月佩旌冷山靈寶其躅
歲月塵劫永我生苦後時惜此媚風景坐嘯嗟所見起
舞顧其影箕尾橫青天有懷無從請

附陳敬初同游和韻

吳王閟玄宮劖氣在茲領石留千人座泉迸百尺井逮
公今題墨潭光並耿耿雄章久變虎強聒不聞鼴荒荒

短簿祠猶復倚頑礦石磴極高下躋攀足力猛前瞻公
留題天葩筆下騁仙語不求似鬼詩空自哽譬之具區
大玻瓈寧計項自公返金躔千岩秋月冷載惟繙經室
地古松日永高標歎俱逝今昔異風景人生非金石何
必形吊影所愧願學意天高無從請

贈張生

堂堂金源公門牆多桃李根柢無淺深恩榮周遠邇張
生事公久最為公所喜折旋杖屢間唯諾圖書裏公承

天子詔馳傳將使指宵憂泣牛衣晝征麾馬箑風食郵
亭庖露炊官署米蹀躞趣裝騎紛綸割鮮七

胡古愚南歸

胡君有佳兒純慤而靜者自君留詞掖思君不暫舍親
老當懸車迎之輦轂下喜親出都門徒跣控親馬祖道
賓迭至別盈酒更把官秩司旂常錢章宣風雅擊節想
已屢知音誰云寡歸途春冰泮燒痕靈雨灑喜見江南
山螺黛秀而野掛帆胥江潮卧聽灘聲瀉兒構遠碧樓

樓成君歸也旦旦候鵲喜夜夜卜燈炮出迎空里閣驩聲振屋瓦婦增姑饌供孫將兒衣擔整蠹理篇帙割鮮作脯鮓君歸樂如此令我空蹊蹤行樂須及時歲月難久假

張彥冲北上

堂堂宛丘公高懷羅星斗明良之君臣尊嚴之師友皇經在胄監而公為祭酒英材資樂育本公生物手麟趾瑞物呈胖胎明珠剖覽輝鳳凰下擊劍龍虎吼自非學

術純何以服衆耦鄉公僑南紀積學富林藪青天珠璣
唾一一化瓊玖公今廟廊上我則牛馬走食貧覓撐腸
禦臘衣露肘於焉識張生嗜學不少苟自言家在汲外
家讀書久今將入成均積分會居首於時中吳道岸花
雜汀柳風帆遂北上解纜星在留會見生去後才名騰
衆口為拜祭酒公桓榮漢廷叟上探羣聖祕下溉羣物
朽須令腐儒喜行樂歌隴畝

送劉長洲

中吳號沃土壯縣推長洲秋糧四十萬民力罷誅求昔時兼并家夜宴彈塈篋今乃呻吟聲未語淚先流委肉餓虎蹊於今三十秋畝田昔百金爭買奮智謀安知徵歛急田禍死不休膏腴不論直低窪寧望酬賣田復有獻惟恐不見收日覺鄉胥肥吏臺起高樓坐令力本農命輕波上滬天意憫困劇南轍卯金侯侯有萬金劑探囊令病瘳璧者起雀躍瘡者言嘲啁坐令百里邑姦回息彫鏤是皆仁侯惠頌聲滿道周清朝考功選賞典無

滯留願俟登廊廟一洗蒼生憂

松軒為潘世穀追題其祖忠烈公卷

昔在世皇日潘侯如貞松聳身青雲表流潤翠百重迎
寒保金石遇雨翔虬龍枅拱夙所具匠氏仍相逢一灑
鼎湖淚難進泰山封仁者滋有後孫枝挺玄冬願繼歲
寒節雨露日以濃

高節樓

自古高節士無如嚴子陵客星耀寒芒歸隱不可徵婦

人守婦節之死矢不二以節如今名或順或婉懿舍是而曰高高豈在閨壺由名斯究實於義竊未穩袁母陳氏媼一邑稱淑賢訓兒昌家基母老雪滿顛巖巖高節樓枅栱絢雲日一賦柏舟詩千古保貞吉

宴顧氏芝雲堂分韻得玉字

開士枉遙駕貞人啟華屋座接塵談素酒傾麟壺綠遠山橫書幌飛花落棋局谷芳寄荃蕙夕陰留梧竹雙絲夾鷗絃羣書闋魚目跡異心匪殊語契道難瀆接驩雖

云暫後會詎可卜離懷渺烟水遐音母金玉

過沈仲說清樾軒

睠此龍伯國湖江白漫漫路出洲渚上天垂葭葦端林
樹茂清樾浪花浮碧瀾煙消棟宇出露下塲圃寬漁師
自繩獨農老仍衣冠隱侯有令德籤鏗富清歡跕音喜
人至戟手勸客餐酒行鶴獻舞飲具魚橫盤自稱禮法
野所貴人情安江山歲欲暮風露日以寒蘭佩香久歇
蒯綵鋏空彈懷君不暫置於世何所干明發當復來壽

杯為子乾

吳興道場山

道場古名刹浮圖冠其山峯巒日星上棟宇雲霧間羅立千柱宮欲亢九虎闕蘇公昔出守以齒鬢未斑詩如九河奔留列青蘄顏至今作虹氣夜電鍾神姦趙侯景蘇者水綠芙蓉殷公餘繼笑詠暫可拋愚頑

蘇公潭

鳳舉不鎩翮龍騰不傷鱗由來貴顯者定異尋常人公

昔令烏程溺水已沒身河伯急扶出體完氣仍伸公後
踐台鷗潭名此其因山厚玄豹伏水清白鷗馴懷公莅
立處雲木青蓁蓁趙侯或公餘濯纓鑒淵齋

遊鴻禧廢寺聽舊僧心敬言

渡南已四葉繼統屬濟王祀國支圯柱前星掩寒芒幃
妍肇孔晨奴謀肆鴟張兩潘為義激不顧百口戕起以
奉其主近在苕水陽天津斡斗杓海底洗日光人非霍
狄儔誰是涉險航聞其被戮時母老兩鬢霜吐辭語觀

者令人殊激昂吾見宋忠臣雖死猶不亡至今草間燐
熒熒出幽房北城鴻禧寺棟宇自蕭梁兩藩舉義日俾
衆聽鐘撞哀哉城門火遽遺池魚殃遂指寺逆地濶宮
示非常田斷餘僧粥爐冷供佛香金像久頽剝青苔重
悲涼仰懼枅栱墜俯歎榛莽長殘僧四五人飢用箋束
腸敬也業尤白宴坐不下堂家本蜀楊氏能言寺之詳
補苴罄衣鉢創巨醫難良更今百廿年我來重彷徨潘
忠世莫雪寺廢人弗傷天高莫之訴題詩空慨慷

送俞漕掾

鄉年子胡子在杭客僧坊褐衣冷不絮蛙竈突不煬直
言迅風霆勁氣蟠穹蒼獨與俞校理笑語溫而莊心探
羣經奧目短百氏牆折衷不求似各極其短長我時為
諸生拱聽私自慶融萬會於一掣鄙睹日光死生一闊
別今幾四十霜我既為飢驅東泛吳下航俞公有猶子
吏事析豪芒讀書復讀律才比百鍊鋼漕府多俊彥何
異鴈鷺行秩滿陞帥府年勞躋省郎功名晚亨奮自可

上廟堂我忝里閈末看子青雲翔威鳳一高舉應龍豈
終藏送子歲年暮贈子金玉章

憫農一首送張德常吳令出郊勸農兼柬國瑞
公相

日行底天廓勸農正其時畊畊土膏動穆穆條風吹渚
花尚自媚汀柳亦間垂中吳號沃壤東作多遺黎首更
太伯化民俗恒熙熙一從干戈興殺虜令人悲草生髑
髏眼竈絕茆茨炊十室存二三燒劫偶見遺官租不少

貸民力何由支張侯尹吳縣冰蘖嚴矜持征科淚暗落
且復鞭創痕茲當東作興載耜循年規言告加勉勗心
傷為嗟咨田老鋒鏑餘僅保骨與皮猶復望歲豐迎拜
攜孤嫠茹芹敢望飽無力堪拖犁嚼蟲恒苦腥飯牛恒
苦飢俟為百里牢腹笥盛書詩民勞曷小康民病曷小
醫號文諫周室千古有令儀咽餓啞兒肉何人埋父屍
民力苟不蘊天鑒亦不私上帝專主宰臣言諒非癡

鶴巢次張貞居韻

胎禽巢居迥每在林表松棟梁架青冥戶牖瞰碧峯欲
睹仙者馭每懷塵外蹤玉童坐吹笙娟娟好顏容時歸
理其室護以虎與龍茅簷瑤草香欲往路莫從星宮集
羣真霞光覆千重邂逅十洲上仙聖應相逢

送友還鄉

隋地作男兒有用須及早當年懸弧意焉得鄉曲老青
雲一蹉跎鬢髮日已皓常恐歸去遲心焉愁如搗我家
東吳城翠竹森若葆力咷輸王稅妻子亦溫飽詩成每

獨詠觴至或共倒富貴將馬如歲晏聊自保蕭蕭風前
柳貿貿霜下草有官固當歸無官歸亦好

賦採香徑送吳縣張令陞佐嘉定州

泰伯常採藥深蹊入芳菲攀桂作帷帳紉蘭製裳衣坐
令文身俗悉從端委歸支脣後世君禮讓日漸違迷陽
行棘足蘚蕪露沾衣三秀不改度齋房耀靈輝擷之薦
瑤席神享民是依

遊惠山寺

百里盡平壤茲山忽中蟠硈砑得宏深迂徐納平寬僧
坊隱其腹崇構居桓桓立神衛觚稜緣雲置闌干我來
玄冬交榜舟起微瀾天連黃沙白露委青林丹地無車
馬塵松筠政堅完蒼然後凋意彼此不厭看稍稍陟其
厓探源汲清寒恭惟桑苧翁出處良獨難帝青九萬里
冥飛見脩翰空留雪泥跡莫究清淨觀煮茗滌煩暑晏
然有餘歡

山雪齋

山中太始雪玉光鬱礔屹積之非歲月坐而閱暑寒純
白既不變空明諒非難懸冰松稍墮危石澗底蟠維時
古真人頭峩切雲冠閔世方內熱憂喜虧其完燕坐以
觀復一念萬劫寬問之何因耳笑指青琅玕

明月鏡

神工鑄明鏡持進嫦娥宮嫦娥羞鑑容暮掛扶桑東浮
雲散天風照耀九海空如何萬丈光瀉入詩仙脣談玄
走銀蟾落筆驚彩虹掩却星斗文孤輝天地中

卷一
上清金蓬頭道者

巍巍龍虎山融結自太古篤生虛靖君道獨繼祖武真
人生巖穴蕭然一環堵蓬首目光炯燕坐閱衆父爰契
虛靖心天風檜杉舞

贈姚尊師

山中學仙侶鄉來髮皆玄驚我頭白來忽已十七年民
物殊更變青山獨依然館我太霞室酌以松根泉非君
慰幽獨空齋難晏眠

贈江右哲上人

江右山水窟所產多才賢溢為空門秀一一皆清妍向
時訴太中說法龍河濡遂令吳下雪便參老暉禪晝飛
楚晚墨夜發昇州船丈廟日有賜來自冥冥天地蒸金
銀氣海湧雲霞鮮欹盩谷崖動參究撻拂捐束歸住雙
峩戶屢來後先光風流轉處名滿越與燕哲也繼訴出
研砌侵雪肩芳叢依苔石瘦竹穿磽泉神間妙盤礴思
入孤桐絃朝陽鳴孤鳳秋空唳飢鳶想從聞思脩六根

互相宣聽者悉說喜贈章動盈篇恨非昌黎伯乃欲觀
其顛要須三摩地契悟非言傳

馬氏雲山祖塋圖

孔子少也孤不知防墓地親殯五父衢問之鄰母氏嗟
我雲山翁追遠心不置祖塋在陽岡距今已七世松楸
寫新圖名筆為題識國史既特書銕史光相繼陳繹曾
編脩嘗為賦詩楊廉夫編脩嘗因和韻故云
睂茲河陽山白雲浩無際

山居圖

卑棲拙謀身曠望時縱目山氣曉亦佳燒痕晴自緣轉
金扳松屑解纓濯巖瀑幽懷良自怡誰云有延促
惟是安僻境本非薄榮名松根聽泉坐溪邊看雲行夜
雨下黃葉春風開紫荆物理有代謝古人誰獨生

凌波仙

迢迢湘浦秋盈盈洛川月鏡空離鸞舞天遠孤鴻滅木
葉向人下瑤草帶愁折有懷無由寄琴心謫三疊

歲晚寄酈尚德馬民立

玄冬夜何長白日寒苦短流光邁魯疾浮態怯齊緩畫
沙勞纖錐窺天費幽管事靡有定形犬釐馬生卵豈無
酒消憂累觴弗能滿冒雪梅含英香露珠纂纂西窗期
同觀賡詠傾茗盃

竹夫人

墨台有淑媛不嫁歛眉嫵江南夏六月火王金伏土於
時媛以潔空中不受暑攜持枕簟間斷非戕斤斧况復
不妬忌涼薄善自處紗厨奉清懼通宵默無語君子加

怀抱安寢夢淨侶各彈綠筠操就中節更苦嚴冷莫可
犯編排其有序玲瓏豫黃玉疏通映朱戶舞榭洞八窗
歌臺高百堵弗貽六宮憐頓消汗如雨安知涼秋至君
顏不復睹此時愁緒多恰同齊紈素用舍良有時寧間
今與古

聯句

學詩齋聯句有引

至正甲申蜡月望前二日句曲張外史天雨自義興

道吳還錢唐其老友某僑居吳中因宿外史于客樓
時吳興鄭韶九成亦在焉予舊嘗喜與外史聯句是
夜將為之而未得題韶作而言曰生以學詩名齋示
有志於溫柔敦厚之教也倘二先生即是為題生幸
多矣用一笑從其言詩將終而予怯寒先就寢明日
外史亟歸且屬以足成之為之補就吳人陸友善隸
韶乞寫二紙一張於齋一寄外史云

明良賡歌基猗那奏鼓始清廟殊離離祐赤鳥固几几

豈惟繙衣賢

雨

政以朱櫟美原鵠

急祐

兄弟急

祐

河鈁父母

邇便施谷中葛

韶

亦采體下菲詠桑表沃若

雨

歌菜賦

樂只

韶

鮑諧蘇公絕

祐

厲懷凡伯恥思鳴

祐

卷阿鳳

雨

繪袞衣雖

韶

蔽以思無邪母曰鼠有體

雨

言超授簡貢

祐道在過庭鯉

雨

遂去文辭害亦屏訓詁昧謫諫主風

刺祐昌言發興比雅亡繼麟筆

韶

和寡續巴里鎬罷魚

在藻屈倡鳬汎水

雨

緼紝誰與奏補

字缺

自難擬哀哀河

梁別祐堂堂沛風起

雨

祠碓悔心萌祐

祐

訣虞壯圖已塞

瓠恨第鬱

祐

援桂慄蘿靡便啼城上鳥

雨

猶恨水中沚

祐隆中抱膝想許下

橫槊偉體要必中度

祐

葩正悉循

理

雨響當貫珠串

祐

轍始輶車軌韶清圓斲冰苦

雨

穎

脫扣鐘喜

韶無敵白乃聖

有作甫良史

雨

險如橫空盤

突若破陣挽

祐雕鍰百神困策役

萬象靡

雨

爨桐聲玉

明廟樂厭石齒揮毫既凌厲賦物斯須委

祐

鄭公學方

篤吳歛好誠鄙

雨蕭齋扁佳名華構落新址

詩律妙獸

造吏塵淨一洗瑰辭出語穿遺經貯腹笥

祐

道在用服

形神悟為洗髓

雨

不虧素王造信全幽人履腎胃苦招

擢肱累困成毀直登陶韋與旁摩鮑謝壘凌天策燉

古偕靈光歸請驗百世傳致慎一匱圯兩老皆苦心六

義始盈耳挂一真萬漏祐聊以示吾子

雨

僑吳集卷一

欽定四庫全書

僑吳集卷二

元 鄭元祐 撰

七言古詩

姑蘓臺

城西高臺高百尺傳是吳王舊遊迹
百花正開西子醉
明月芳洲照清夕嬌顏如花醉
王側城上鳥啼曉星白
歌鼓聲消醉未消
越王已將兵來朝
鎩金撾鼓殷天地
兵敗可復棲夫椒
吳人遺恨化潮汐
暮住朝來箭徑直

不然自可君角東何用蕭蕭馬嘶驛

夏駕湖

吳王城西夏駕湖至今草木青扶疎想見吳王來避暑
後宮濯濯千芙蕖酣紅蠶翠總殊絕誰似西施天下無
西施醉凭水窗睡曼衍魚龍張水戲月上湖頭王醉醒
歸舟蓮炬繁如星不知擁扇暍人者日夜窺吳不暫捨

吳桓王墓

有吳桓王之墓田乃在盤門南郭邊墓中玉鳬久化土

石上赤烏猶紀年寒食無人灑麥飯東風滿地飄榆錢
功昭前代啟吳祚葬地合擇名山川閩閭城南不百步
土薄易致畊夫穿昭紜衆臣號詳密慮不及此寧非愆
緬思山東舉義日郿炷顧已無諸賢惟王父子起相繼
黃星閃避東南天假之修齡定四海許下豈容瞞著鞭
鑿山掩匠等發掘朽壤一杯誰獨專白楊蕭蕭北邙路
姓名能得幾人傳

岳武穆王墓

棲霞嶺南湖水陰墓木兩株高百尋鬼神搗護霜雪幹
日夜怒號風雨音山僧紙錢每自掛隴首金槌那得侵
精忠既已塞天地英爽尚爾盤山林恨雖無血可化碧
世故有人能範金恭惟父子一杯土尚想君臣千載心
萬松嶺前行殿廢五國城頭寒漏沉空令遺黎痛至骨
荒墳一上一哀吟

古牆行

某童時侍先人到杭訪諸故家其數至則循王府也

府在省西天井巷其北則油車巷也宋諸王子孫居之者如蜂房其家粗完則月潤先生也先生諱拱與菊存先生兄弟行先人言論孤峭尊俎間每謂循王功名去韓岳遠甚特與高宗意合故享富貴壽考耳其昆季每聞先人抗論往往引去今幾五十年杭故家掃地盡矣而循王府亦為江浙省官署向年淮陰龔聖予與菊存交厚見王府環牆猶堅完知其版築時取土於南山其用意遠矣為賦古牆行其詞於王

多所褒美然豈春秋筆削之謂哉為賦此庶幾黃太
史涪溪讀碑詩意夫

峩崐環牆連數堵宋亡猶是循王府渡南功臣王第一
賜第錢塘貯歌舞築牆遠取南山土軍士肩頰汗流股
楨幹停勻杵築堅小却猶支三百年當時能留岳忠武
返旆定可銘燕然嫖姚忘家子壘殘牢韜賣國身名全
偷安湖山忘大辱詔諭江南等臣僕蕭牆繚周千柱宮
只欠甌泥蒸後築帶礪鐫銘在甲第築牆不厭高於屋

遠鴈秋橫五國城，帛書無復淚交傾。
可憐忠臣痛刻骨，空令志士死結纓。
佞顯忠誅誰得失，二百年餘昭白日。
舊時每見古牆邊，鬼燈夜暗光如漆。
牆土于今化作灰，欲問故老心先摧。
只有省垣新築後，鼓角聲殷吳山隈。

吊劉龍洲墓

宋渡南如晉永嘉屈辱更甚慚栖鴉。
才賢盡斃賊檜手君相甘同魯婦髽。
孝皇悲憤痛莫雪士逃竄誅能幾家。
翁也諸侯老賓客有淚每落西風笳。
南樓載酒桂花晚。

經綸志在言非誇且將南山抉虎穴豈但東海剗鯨牙
長敵疏章過慟哭况聞遠鴈來龍沙林蘓與白出處異
便欲呼起能無譁醉鄉生死忘今古酒熟純香魚可叉
和戎自有祈請便經天非無博望槎瞪視乾坤謝軒冕
朽骨深瘞山之涯婁江東流山蘊玉翁也墓此誰疵瑕
荒陵無人澆麥鉢廢家有樹開梨花熒熒鬼燐出松塢
想翁來遊路匪賒

重建岳王精忠廟謝李全初長司

憶昔紹興南渡時從王百萬虎與貔
鄂王奮身起偏裨能以百戰扶國危
師行動以紀律持屯行野次人罕知
堂堂大將精忠旗敵人不敢正眼窺
連城之壁無瑕疵如何青蠅玷污之後來禮葬西湖湄血已化碧無完屍
於今宋亡宗社隳獨遺墓木蟠孫枝夜啼鵠鷗嘯狐狸過而問者知為誰
廬陵李君每涕洟迺坐幙府深自惟不獨罄發囊中資又屬州人使共治徘徊經營出成規廟遂落成煥桷枅蒸嘗復享崇令儀父老瞻拜咸嗟咨

贊君為政能及茲只今解任舟將移何以表君去後思
爰勒堅珉著貞詞昭示億年匪夸毗過者下讀麗牲碑

長孫皇后免冠圖

貞觀聖人還紫宮按劙欲殺田舍翁翁本帝仇今作輔
逆鱗易批難論功后聞君言心慘惻自古君明則臣直
直臣脫若死無辜賤妾一身亦奚惜免冠再拜明主前
陰扶紅日行青天他時拭目看陵樹不以大義虧其全

淵明歸莊圖

終風晝霾八表昏有眼不睹東方曠只應門前種楊柳
山河已改枝柯存原田畊畎水漾漾歸來有酒盈清尊
醉鄉生死豈不好懸書甲子明深恩仁人義士久黃土
丹青彷彿柴桑村畫圖不盡古今意寒蛩夜語秋槐根

東坡赤壁圖

奎星墮地不化石化作盤天老胷臆清禁森嚴著不得
半夜吹簫過赤壁百億魚龍不敢聽萬古東流月華白

溫日觀畫葡萄

伊昔錢唐溫日觀醉兀竹輿殊傲岸却將書法畫葡萄
張顛草聖何零亂枝枝葉葉點畫間醉瞠白眼看青天
狂呼大盜楊總統天不汝誅吾厚顏楊加筆死曾不畏
故老言之淚尚潛畫成葡萄誰賞識惟有鮮于恒嘵嘵
醉叩齋室支離疏拊摩悲歌淚填臆鮮于設浴師浣之
為師滌垢曾弗辭人言結襪張廷尉千載風流寧異茲
蔓如龍須實馬乳問師揮毫奚獨取只因漢使遠持來
野老詩成淚如雨

贈無錫強教諭

義門影連梁溪水誦聲琅琅長應耳中有文儒名父子
教鐸鏗鎗相繼起毘陵去家不百里藹藹春雲盡桑梓
三年職教識才美鼓篋來遊無遠邇振衣升堂靜兀兀
槩於羣經味其旨坐見金精出鑪錘泮池冰消躍赤鯉
壇杏纖春紅蕊蕊政成南歸點行李明月清風滿船尾
歸娛慈親綵衣喜釀酒華堂紛拜跽棣萼春輝交韓韓
咸祝先生此升矣

送范子方掌教

江南喬木幾家存魏公猶多賢子孫根株久浸詩書澤
萌枿長承雨露恩美化山長尤秀出翩其令儀如玉溫
觀光帝都富述作傳經親闈加討論一官不厭客氊冷
暫爾定省違朝昏側身霄漢度林嶺照眼井絡逢人村
東風吹衣晝襲襲北斗橫屋夜皎皎公侯復始自今日
浩蕩恩波白獸尊傳聞吾家光祿墳青松上啼古帝冤
大皆十圍閑世久禪旁鉏伐無留根貞元丞相久寂寞

不辭為庶為清門得從君去拜桑梓勝倚孤雲濺淚痕
贈達長司懋衡

十月二日君生辰菊有黃花霜露新漢朝既須召賈馬
嵩岳宜徒生甫申衆瞻雲霄黃鸝舉自愛江海白鷗馴
烏絲畫臨嶧山刻銀箋夜製吳宮春政爾揚舲海潮上
忽然煮茶溪水濱轉枝幽禽語留客攬觴野梅開向人
蒼生却問謝安石白首可同鄭子真

送顧縣尉定之

虎頭諸孫豈誠癡飛墨即是蒼筠枝故家喬木盡黃落
此君貞節仍堅持向年毘陵為錄判正聲早騰青玉案
親歿天南柩返吳棄官急歸方寸亂從兄負土成孤墳
天平山麓黯秋雲哀哀淚滴墳上土終制北謁天皇君
一官又赴同安尉白雲黃葉秋無際道經武夷山下路
遏雲棹歌迎鼓枻山中徵君我小冠能令幽居帝晝看

贈藏書顧明則

昔人於書皆手鈔六經子史方神交編摹雖勤不聞道

是亦蠹蟬書作巢積善之家費裝緝脩工亦由書傳出
一朝妙手完缺殘正如雲開睹初日我欲一問顧生家
松陵春晴桃始華蟠胷萬卷老多忘檢卷只如昏樹鴉
嗟嗟書生吳鉅族風霜日夜摧喬木雖然業身簿秩間
有眼且看江南山

古書行贈吳孟思

蒼頡四目通神明制字以來幾變更籀創大篆宣柱史
石鼓有刻非無徵驪珠煌煌幾千顆照燭萬世開章程

周平東遷帝紐解甄鄧繼出加研精秦斯學荀儒運阨
獨負小篆超焚坑戈森劔列出華玉百世是寶堪依憑
次仲忽挾八分起喜動呂政消威稜一朝櫨車化鶴去
傳聞無乃非人情政方鞭戮海宇日程邈繼仲尤知名
六國滅姬旋自滅人如亂麻死長城神工異畫先後出
隸法變篆由邈興十年覃思非不苦習趨簡便令人輕
堂堂達門許叔重憤悱缺譌復著經三才萬物總蒐討
一掣屋蔀瞻繁星慎於六義功不細朽骨逮今餘德馨

漢章變草本伯度波磔與隸猶相仍俗書姿媚相扇告
韓論匪激母深驚千年陽冰紹斯跡有茂其實蜚英聲
珪璧煌煌照衰世白馬記與庶子銘兩徐識解更卓特
著書翼慎言庚庚張侯豹姿編復古金薤琳琅垂九清
皇元篤生趙文敏掃世糠粃開羣盲龍翔鳳翥彩雲晚
夾以日馭揚雙旌自公騎箕上天去衆論悉與濮陽生
生名吳睿孟思字篆隸可寶如瓊瑩周旋向背盡規矩
分布上下紛縱橫囊錐畫沙泯芒角寶樹出網含光晶

研裂雲根劒就淬射穿楊葉弓開彈刊題班班滿山石
姓名往往聞帝京贈言無如胡汲仲我乃蚓竅蠅薨薨
闔閭城中每相見愧我頭白君眼青長歌哦成三月暮
妬婦無能空拊膺

龍香行贈吳國良

張公洞中芝草春帝藏寶書更幾塵中有龍香燒墨法
古苔溜雨松膚皴木公竊窺試造後至今法行溪水濱
吳生妙解不求似獨造萬古工何純玄霜夜搗玉兔臼

黑瓊曉剝蒼蛟鱗
製成比之犀截角
研罷頓似鸞憑茵
姿如青銅色如漆
并潘便見亦相親
老奚父子委世久
潘李竟誰追後塵
嗟生一朝遇賞識
會同南琛貢紫宸
願寶龍香古圭璧
明月清光長照人

相地余君祥贈言卷

我早不識余山人
湖海名知三十春
聞其欲識天下士
不厭四方走踡踡
竭來中吳春苦雨
雨窗峭寒肌骨皴
袖有贈言成大軸
讀未卷終傷我神儒
先淪落日已盡

我獨未死如枯鱗涸轍曾無斗升水破靴厭踏康莊塵
生言宿知地理學轉移造化抽機輪黃著定鉉司馬氏
青囊為書郭景純二子騎箕上天去遺編憑誰據其津
余生兩眼煙秋月偏觀山崖與海濱先輩而今木已拱
後生蹇予蠖不伸何處青山可埋我免使烏鳶螻蟻嗔

舒大尹伯洪之任晉陵

西門曉送舒晉陵十里沖冲聞鑿冰邑侯生長單父邑
彈琴化行咸服膺民風莫訝北南異身教始為今者稱

我歌侯聽意良苦且住槽撥朱絲繩田間困悴非一日
鉗刀割剝動千層辱民不殊置裏免猾吏却如霜後鷹
豪強結托相表裏機變聚集夸才能繭絲何曾宿杼軸
粟穂况欲棲溝塍煌煌列宿在霄漢扣首昊天呼不膺
風聲俗習一至此問侯何以寬凌兢侯從胄監學古訓
仁義樓櫓身先登雄談浪浪瀉河漢偉度浩浩吞鵠鵬
力行以言拯頽俗定奮其力支崩騰坐令凋瘵復完實
豈但賢勞不次陞腐儒歌長侯勉聽無肉如陵酒如澑

歌長意苦白日暮忽見新月上漁罾

送韓從事玉溫之閩

韓侯魏公之子孫傳家故笏今猶存吏程於今重漕府
人望自昔推名門風帆曉趨鳳洲過鐵碇夜劃鯨波渾
七閩宏開元帥府二品欲均丞相尊簷團煌煌荔子葉
庭走陰陰榕樹根遷陞郎署不憚遠遄拜朝命茲承恩
道山亭上登臨日為賦海湧玻瓈盆

送汪秀才瑩中

三十年前湖上路君之外舅錢塘簿春風雙鬢綠於雲
豈料於今各遲莫遲莫相逢兩相顧出者非迂處非誤
君出才如班定遠我處心慚黃叔度向年邊氓弄鋤梃
屈君從戎曾不腐皇家福力九鼎固爾民何異置中免
上功幕府寂不聞一命低徊樂其素參佐南安郡幙歸
行李蕭然只如故於今復理吏部銓來書朝上閭門船
柳條緘黃雪初霽鷗波吹白舟當牽繙書蓬窗遮老眼
沽酒野店澆殘年想見新春花欲然君應醉倒春風前

青雲故人布百辟黃紙除書來九天得官南歸應過我
姑蘓臺東野水邊却問朝端泰祕監何時寄我歸來篇

趙松雪畫

鷗波亭前千疊山縹緲峯巒烟靄間既如春雲多態度
復似靜女工幽嫋老槎霜寒露刻削崩湍雨霽聲潺湲
飛樓湧殿出林表中有逸人相往還風帆截谿馬載道
兼有艇子維滄灣有時扣舷一清唱有時談玄一破顏
吳興仙翁補天手毫端五色春爛縫畫成未數董北苑

王維二李相躋攀自翁騎鯨上天後至今玉佩聲珊瑚
空令下土寶遺墨真贗紛紛誰與刪

趙仲穆畫

王孫畫思凌紫青千峯削出秋冥冥丹臺疑通玉京路
飛瀑上濺銀河星抱琴隨馬風冷泠定知不是王門伶
山空水流木葉落曲終正不求人聽溪流明滅夕陽晚
似有樵唱來巖洞王孫歸卧鷗波亭釣天清都夢始醒
浮雲變滅不掛眼盤石溪邊且濯纓

李龍眠唐馬仲穆臨

龍眠畫馬妙入神貌得唐時馬與人人通馬語默相契
馬知人意更相親文皇昔御六龍出天為聖主產駒驥
開元馬牧蕃盛日泛駕醬膝誰能馴自昔龍駒有天骨
驃驃獨起秋輪囷西巡不復觴王母東歸政爾慙直臣
馬圖流傳至汴宋玉馳紫燕聊前陳守文之君保成業
不肖一日開邊塵遂寘驛驅鼓車下猛蛟失水無完鱗
柏臺退休親貌得畫意逮逼曹韓真畫史纔知粉墨趣

學士乃通元化因曹韓骨朽伯時死餘不溪上苔花春
臨摹不得畫史意掩卷愁眉誰與伸

徐孟達別墅冬日海棠

猗唐厚德徐有功力迴光殘致時雍子孫蒙休百世下
草木作花嚴冷中園林尚或保刺綠霜霰不敢欺嫣紅
金盤朝露洗睡態錦絲步障圍春客流年固如東逝水
銜子豈必西飛鴻何異佳人倚脩竹尚矜絕豔彈孤桐
徘徊樹下三歎息人生遲莫將無同

王元章白描梅

王郎筆底無纖塵只有萬斛江南春疎花冷蕊禁不得
珠明玉潤前森陳珊瑚交柯擇鐵網金鉛鑠日張龍鱗
咸平處士西湖濱風雪滿頭肌肉皴長歌短吟梅樹下
聲詩寫得梅花真王郎晚載剡溪雪艤舟孤山一問津
色香聲塵盡奪取高揮大抹駭世人舊時娟娟裏湖月
清光長照無疎親

顧定之墨竹

虎頭諸孫妙飛墨
慕篁脩纖傍湖石
只疑湘江水湛碧
英娥騎鯨去不返
千古遙岑綰秋色

黃子久山水

二首

小點大癡誰復然
畫山畫水亦隨緣
懸厓絕谷噴流泉
此中即是安養地
九品蓮華光燭天

衆人皆黠我獨癡
頭蓬面皺絲鬢垂
勇投南山刺白額
飢緣東嶺采青芝
仲雍山趾歸休日
尚餘平生五色筆
畫山畫水畫樓臺
萬態春雲研拗出
只今年已八十餘

無復再投光範書留得讀書眼如月萬古清光滿太虛
向年與岳漢陽趙宛丘同登荆溪王氏仁壽堂
今幾四十稔時允同尚未生茲允同出拜感
念今昔賦以與之

昔年嘗登仁壽堂岳趙兩侯與頡頏周情孔思藹胷臆
商彝雖鼎陳寶藏名畫珠官啟丹碧法書金薤垂琳琅
官窑器列八珍饌博山爐焚三傑香稽經考史發言論
跨秦越漢譚文章惟時石鳩梅花吐肩輿起穿林嶺長

溪迴路轉雪欲作薄暮似遼羅浮傍歸途列炬兼擊柝
候人奔逐遙相望南枝禽翻北枝凍置酒張燈羅豔粧
主賓一時極驩會轉頭於今四十霜趙登廊廟岳物故
我仍飢驅行四方人生那能免離合世運乃爾罹慘傷
乾坤瘡痍戰塵黑溪山破碎愁雲黃華屋終焉變瓦礫
舊厭梁肉今糟糠子之家居尤可念蒿艾叢深蹲虎狼
幸哉仁者必有後出贊於此存豪芒子之拜我我增慨
衰頽有幾桑榆光明儕凋落世變苦安得不及我涕滂

送俞教授之餘杭

餘杭縣前春水生校官書舟如葉輕鶯啼講壇杏垂實
魚躍泮水芹抽莖易於觀天聖域敞文者載道天機精
明年彤庭對策後我亦闔門迓前旌

送俞叔元從游慈溪陳文昭

百舍重趼從師游為道不為利祿謀今子遠鼓浙東櫓
濤江日暮青山稠慈谿為縣山水幽製錦者誰陳太丘
退食何曾廢探討固應戶履遠相求它時卒業歸語我

坐見一鶴橫清秋

送李運使海漕抵京見宣城貢侍制

易於涉險必曰川何況航海決九淵海雖無風浪或顛
銀山雪屋相崩騫國家鴻麻上際天漕海運糧今幾年
波神水妃相後先分護糧艘咸周全棹郎捩舵歌扣舷
南風趨帆到幽燕萬井白梟朝炊烟青駒之年福更延
上帝降監加矜憐天子明聖宰相賢明燭萬里無私偏
春運已達北海墉天吳帖首海若眠李郎夏運能勉旃

海波鏡平糧在船由郎心純志確堅敬亭之山秀而妍
幼從貢公讀陳編志存功業永久傳縣知此行尤靜便
定膺上賞坐玳筵金縑縹醪寵命宣應從貢公見榻前
清光咫尺如霏煙貢公若問老鄭虔為言白頭仍草玄
海宇清晏無戈鋌咏歌太平老林泉却寄貢公山木篇

寄雲南蕭總戎

將軍昔麾白虎旛指率虎士平雲南大山豐林庠象窟
青山一東西橫擔諸軍落險坐如蝟下嗔長鯨手獨探

威行武侯擒縱地

原缺三字

立如松杉整師徐行身後殿點

胄還國無留簪總戎

原缺五字

相國正可同曹參自參大政

論國柄載其清靜民心甘

原缺二字

祥雲忽鏗嗣公論在人

寧久酣皇明鼂徹燭羣連節

蔽盡徹字缺謀

戡將軍復整

蒼玉佩入朝拜手儀容暗念臣已老心則壯寶鏡在匣

秋儕儕聖君萬歲國基固明堂締構須楩楠

送劉朝章同知赴任

仲游公之子

原缺二字向任杭推官定丘趙公最交歡子時方年二十許

身衣大

字缺

頭南冠二公相予忘齒爵稽經抽史言盤盤

趙公騎箕尊府老會合無由空嘵歎尊翁後貳吳府政

吏畏民思閣井安只今星霜十五易北歸懸車魏地寬

郎君翩翩蒙世澤氣貌潤哲神仍端同知黃巖行有日

部從南向千峯巒徵詩於予感衰老况復秋深霜露寒

客懷蕭蕭詩鬢白江浦淒淒楓葉丹自慙居貧無贍錢

鴻飛萬里須脩翰高天無雲卿月皎候吏側足迎征鞍

原缺五字飢渴報政何以蘇凋殘尊公在此溪佳信聲騰實

著無留難

題張伯雨留別卷

句曲外史儒仙師開口論事劎差差詩律精嚴奪天巧
字畫峭重含春姿一朝飄然上京邑赤墀不拜惟長揖
名稱藉藉諸公間落紙雲煙粲星日璽書令任西湖濱
忽思騎虎朝玉宸大茅峯頭斟北斗劎佩色映江南春
山經幽文與道帙歸藏靈澗之石室小劫猶割紫琳腴
大書應按皇人筆鬼物守護今幾年闔戶勒銘師亦仙

酒星在天照酒泉師醉而死方陶然如何卧病二十日
鶴骨瘦筋神隼急一朝返真大浣洞西湖山空鬼夜泣
飛墨如霧留人間讀之鏘然鳴佩環疑師不死不得見
老淚灑入秋苔斑

重題溫日觀葡萄

故宋狂僧溫日觀醉凭竹輿稱是漢以頭濡墨寫葡萄
葉葉枝枝自零亂隴首時有連真珈每欲邀師飲其家
路逢其人輒大罵欲泄憤怒寧辭字鮮于愛師工字畫缺

北面從師學波磔寫出葡萄皆法書二王

缺字範從師得

困學齋前支離疏師來或哭或歌呼醒塗醉抹不可測
其言皆足警懦夫先生弊廬耿家步阿師舊日經行路
月落山空喚不膺尚想秋棚薄白露

師子林

萬竹陰陰師子林蒼霏如雪不厭深影當初陽鸞鳳舞
響作平地蛟龍吟契機元非擊後悟乘涼已在裁時尋
行鞭土酥雖詰屈沛潤法雨尤陰森筍時不傳食玉法

定起每聽貫珠音
那知閻浮有六月
只緣毗耶無二心
眼光固已爍天地
王度政爾式玉金
老矣蒲鞋尚堪織
貧豈藜羨長乏斟
養威窟中善自愛
解鈴領下知誰任
擾擾塵勞竟何以便
應於此投華簪

送詩僧珩書記

吳僧娟娟珩上人
詩如嶽面青嶙峋
旁支小山谷秀出
吞雲洩雨干星辰
陳高復來說珩好
思若美玉蒸浮尹
即浮筠玉之光采
我老於詩苦思短
援筆欲下仍嚙呻
奏香擬

繞玉皇案放櫂却入桃源春艱難若此良自笑東燒不
爇金底塵如何諸君擅天巧珩也又復能清新百年幾
見光嶽合四海此喜文章純吾聞桑門重行解言必與
道無確磷西風搖落鴈南鄉長歌送子空沾巾

送顏陋隱道士

顏闔

原缺
三字

茆山朮煙如雲紫翠間久御師壇黑虎出又
騎仙巖白鶴還符籙登真有要訣祠竈却老須玄關寶
書仍傳具茨牧珠實政綴玄都班是中有人煉玉質不

逐頽景凋朱顏脩辭如蘭吐酷烈濯足古澗聽潺湲企
余東望不可即天風泠然鏘珮環

送林玄卿鍊師歸永嘉

玉晨明皇大道君丹霞上館校瓊文芙蓉製冠珠織裙
並乘綠輦駕飛雲有美一人岸青盼來從東甌東海漬
不笑不語寡戚忻帝驚顧語仙聖羣是能執持神化蘊
叶余昔夢靈帝喜紛拯余於危釋憂懼報崇仙階秩孔
殷尚念無以章殊勲琳宮紫幄珠流煩靈來乘純去乘

雯景響濁世那由聞
神孫飄翩接芳芬
烹陽治陰調夕
昕氣神元精駐不分
由能鍊之久益貢水
浸不溺火不焚是謂
真人非外夢鴈蕩木
落溪沄沄子今東歸
侶驚麋將與浮脆固
氣氤釤之清冷濯垢
氛我將學之意則勤
其如衰年日已曛况
復歲晏手足駛作詩
送子空云

送聰首座遊昇

聞極日本人

昔年龍河帝作宮萬礎構出金芙蓉祝釐至命黑衣相

董役迺是烏臺公帝乘雲去師示寂瓦礫依然化金碧
槌鐘吹螺震天地游從每振東南錫聰也金鰲背上人
金翅擘海驅波神典座南屏萬峯上高閣瞪睨青嶙峋
來吳欲作鳳臺去詞鋒欲寫秦淮樹業材參天必豫章
匠石何嘗後梁柱渺渺長江無盡流詩成為寄波間鷗
自昔六朝帝王州老夫每欲東南遊白下江山暮雲合
烏衣巷陌斜陽愁古人銷亡景物在着我一賦商聲謳

贈日本僧

海以島嶼為連城其大每與龍伯爭珊瑚柱冷建宮闕
翡翠浪暖開蓬瀛亦有神僧出其國能與古佛同無生
飯香盛貯帝青鉢身垢沐浴琉璃瓶錫飛曾追獨鶴遠
杯渡至比羣鷗輕輔教編成獻明主彎弓機險開羣盲
梅花飛雪歲云暮冰樹削玉天初晴魚翻春波迓鼓枹
馬嘶晚驛知揚旌蕩茶榻前啟沃處不讓義夫留大名

題夷僧寫蘭卷

老禪昔從日本來足踏萬里鯨波開金仙所居太霞上

五色芝草為樓臺國香中有蘭與蕙成叢托根在蓬萊
老禪一見辨幽獨葉葉莖莖在心目硯坳盛得楚芳魂
九畹春風種華玉紫鰲背開龍伯宮千柱結構神施工
妙高臺上醉揮墨光雲閃映珊瑚紅賢王分茅甸南服
萬馬屯雲夜如簇獨延老師至王宮霜綺毫蘸松煤緣
為書蛟龍古奇字噴霧擎雲看不足老禪擔簷東入吳
白虹夜騰西太湖飛墨何分醉和醒高天頃刻青模糊
橫揮直抹恣圖寫太虛空裏無精麤諸方非無大牀坐

合讓主席字缺揮鉞只緣自有寶玉刹千層樓閣金銀鋪

人間腥腐蝸一殼蟻蠍聚散真斯須定追他日議天統

大沛法雨滋焦枯

鍾馗部鬼圖

老髯足恐迷陽棘鬼肩藤輿振雙膝前驅肥身兒短黑
非髯嬌兒則已腊後從衆醜服廝役擔攜鬼脯作髯食
鬼肌未必能肥脂餉之空勞髯手摩彼瘦而巾褶長窄
無乃癯儒執髯役其餘醜狀千百態專為世人尸辟怪

楚龔禪老非其類請問何由識其槩想龔目睛爍陰界
行屍走鬼非殊派民膏民脂飽死後却供鼻食縮而瘦
無由起龔問其候有嘯于梁妖莫售大明當天百祿輳
物不疵癘民長壽

馗妹圖

天寶治衰妹兄出自白晝宮庭馘禪猶妹時何在不佐兄
靚妝自衒妖嬪質後來形見知何所百鬼尊之莫敢睹
提劒躍馬從其兄每為人家守環堵老韓飢窮夜縛船

送之不去今幾年妹宵從兄肆屏逐我亦家富黃金錢

謝自然像

老韓

字缺

屈雄世間好用險語搜神姦上仙飛空詣丹闕

政自與世無相關奚為造言極誣詆何妨月照千江水

龍伯珠宮深處

字缺

鶴髮嵩師醞時喜扶植世教須老韓

天風不礙鏘鳴鸞不見

字缺

州南縣香火至今盟未寒

花蝶謠題舜舉畫

華魂迷春招不歸夢隨蝴蝶江南飛碧蕤粉香酣不起

臥帖芳茵唾鉛水
癡娥眼嬌錯驚顧
解裙戲撲沾零露
折釵搔首笑相語
阿誰芳心同栩栩
頹雲流光空影寒
冰波纖恨啼闌干

贈筆工沈日新

南州先生真玉人
蘓家季孟世絕倫
良公騎尾上天去
清潤餘流溪水濱
東老之家酒熟未
其孫猶以縛筆聞
公家兄弟不負筆
我輩頽之天且嗔
不如醉用榴皮寫
仙人豈亦能書者

趙千里聚扇上寫山次伯雨韻

宋諸王孫妙盤礴萬里江山歸一握卷藏袖中舒在我
清風徐來縠衣薄文采於今淪落餘雕闌玉砌淒煙蕪
寶玉不隨黃土化門上空啼頭白鳥

趙善長枉顧玉山遂以絹為予索畫并詩其上
顧家絹如雞子皮趙生畫似鮫人機冰絲瑩滑始受彩
天藻絢爛方含輝海波金芒鼈背上溪樹翠鎖春洲肥
漁師出港晴舉網埜老問渡寒褰衣試訊何從有此景

顧在筆底縱橫揮

崇碧軒

江城喬木春陰薄故家文獻多淪落雨聲環堵長蓬蒿
鬢影衰年飯藜藿見說張家崇碧軒被楠豫章青拂天
后皇嘉樹無不有雨露所濡皆可憐何時從子松根下
讀書逍遙以忘年

漁莊

濠上春晴花朶朶施周強知魚與我爭如顧循讀書倦

駁沓浪花宵鼓柁船頭列炬船尾唱繩獨如雲翻水上
并刀斫雪鱠縷飛拍拍茆柴薦新釀莊上東風柳欲綿
鯉魚吹浪迎歸船由來名教有樂地看書却掃消殘年

梅隱

昔者先人住杭州和靖祠前水東流弊廬與祠政相近
看梅吊古山之幽咸平梅花三百樹無復春風一樹留
荒煙野花開躡躅落日林樹啼鵠鷗黃昏娟娟裏湖月
每為香影含孤愁長懷此花冰玉質無言自足令人羞

眼明波間雙白鷗亦復與世相沉浮不見梅花已悽怨
況聞笛聲湖水頭青山難消楚人恨白髮易感商聲謳
吾廬亦豈能自愛種梅繞屋休嫌稠三十年間屢易主
歸魂每夢花間遊因觀此圖重歎息萬事何異水中漚
知君斷非充隱者卜居梅花善自謀我亦漂零江海上
悠悠千古一登樓

王山佳處為顧仲瑛賦

東望東吳積水深海天削出青瑤岑肅侯諸孫有基構

界涇築室如山林石根孚尹

音浮筠

蒸玉氣岸曲窈窕來

跕音籠鶴教馴合舞節池魚出游聽鼓琴樓臺花雨衆
香國書畫芸香千古心按歌寧辭夜投轄彈冠又須朝
盍簪已傍苔磯學釣獨更上風磴窮登臨竹梧參天鳳
鸞集老夫為爾長歌吟

湖光山色樓

顧家湖光山色樓登覽近在西簷頭朝煙帖水白初散
晴雲出鳴青相繆浪花鑠閃上初日崖氣澄橫如凜秋

宿草依依仲雍墓孤帆搖搖范蠡舟靈來每見雲旗下
物換幾番汀草抽何人孤嘯禽漁唱有客五月披羊裘
主人領客遙指點童子昔時曾釣遊曳裾王門塵昧目
擔簷客鄉雪滿頭何如長年老於此登臨笑樂孰與儔
玉關西望不得入辛苦纔封定遠侯

雲山高隱圖

大山截葉如張旗小山偃蹇如牽衣巖頭千仞瀉飛瀑
迸珠濺雪交橫飛林廬隱隱空中起青紅棟宇相軒委

中有幽人歌紫芝自採藥苗臨澗洗喬林露下青童童
交柯老榦森虬龍豈無明堂棟梁柱還當采獻明光宮
寧無谷底白駒客考槃歌中風落日畫圖難寫西隱踪
一曲鸞笙度空碧

虞勝伯江山風雨圖

雍公之孫勝伯父落筆驚人意獨苦篆籀從衡寫風雨
平林遠岸舟橫浦想從出蜀看山多筆鋒森然如斲戈
春秋著成可奈何酒酣拔劔須君歌

鄭禧之古木圖

吾宗有子擅風流履行只如陳太丘復向仇池寫林薄
六月陰森如凜秋前脩凋零吾亦老落日孤雲生晚愁

鉤勒竹

鳳凰仇池五色毛煜烜一如金錯刀欲斲滄海上初日
下有積石定風濤曾向人間拾鳳毛從衡文采自揮毫
龍孫獻詠求摹寫露洗珊瑚月影高

題梅為人壽

二月十日君生朝連日重霧今日消梅花含春照池水
眼明見此千瓊瑤我願君年等金石梅花結子調鼎食
年年為君持壽杯大醉花前華月白

天台山圖

萬八千丈天台山仙人抱琴時往還絲聲落磽秋潺潺
曲終蜚雲舞玄鶴霞光樓觀難躋攀

芭蕉庵為僧賦

芭蕉為庵世所知諭人生滅無多時春風方抽綠羅卷

秋雨便折青瑤枝叢茂如雲蓋有自身飄著土當從誰
畦傍築室善取簷葉上濡墨仍題詩猩紅吐花粲堪數
鶯黃駢實甘如飴使其堅牢閱世久敢恨迫窄逢君遲
雨聲蕭蕭集疎響世路驀驀遭多歧於茲不悟佛所說
金粟如來良足嗤

楊妃上馬圖

華萼樓前上馬時君王忘是壽王妃龍顏含笑侍持鞚
海棠睡美春風吹繡鞍嬌凭翠衷冷金鑾凝跨絲鞭垂

宮韁拍鞚欲馳及策策步搖危不支後宮窈窕千蛾眉
並乘驥裏黃金羈芙蓉濯露總殊妙雜還綺羅知謂誰
獨擁妖環何所之聯翩欲向華清池雙龍嚙膝踏花去
錦香覆滿紅燕脂從官車騎空瞻望並肩私語行遲遲
行母遲遲日已西漁陽鐵騎崩雲追纔出都門便別離
千載形跡令人悲再拜能忘臣甫詩

九馬圖

西風原野汗血駒或踶或齧或驚驅亂草飲水秋氣肅

追風抹電神情鯨一匹滾塵一匹逋兩匹交頸如城鳥
其餘五匹總殊絕八龍溢一崩羣駿為問何時脫羈勒
肆行如雲從所適仰首斜陽嘶噭膝一似逢人訴胷臆
自穆西歸遭漢家不辭低頭駕鼓車渥洼水深龍種在
玉關西望空咨嗟

王時進梅屋

張髯講道吳王城聽受不懈惟王生讀書折旋梅花側
冷香吹入吾伊聲仙芸豈是辟蠹草古苔終開掛鳳英

春融太古有積雪風度曲闌移飛瓊生於此時讀書處
正值何遜吟詩成豈應娟娟舊時月獨留疎影當窗橫

芝雲堂

仙家芝草暉五色海日一照蒸成雲結為樓觀霄漢上
千門萬戶皆氤氳斑龍誤騎有誦籍雲旛夜下星宮君
忽焉隨地變為石昆吾有刀切不得巖壑高深翠濤積
卿雲輪囷瑤草碧永護金粟仙人宅

畫

抱琴船頭為誰鼓滿江秋聲荻花浦鯨魚出聽掉尾聲
曲終鴻鴈起江滸帝子降兮木葉下闋

除夕

今日歲徂燈火明欲雪未雪雲冥冥貧家夜有轢金聲
十年飄泊吳王城安知節序兒女情不眠坐數長短更
但有糟榾榦砂瓶煮茗亦得尊前傾檣冰錚然向階落
北鄰笙歌厭杯酌丈夫雖貧氣不索此意莫令羈旅覺

僑吳集卷二

欽定四庫全書

集部

僑吳集卷三

四

詳校官編修臣范來宗

中書臣劉源溥覆勘

總校官知縣臣繆琪

校對官典簿臣劉景岳

謄錄監生臣徐敦

欽定四庫全書

僑吳集卷三

元 鄭元祐 撰

長短句詩

汝陽張御史死節歌

張御史罵賊死國忠臣家孝子忠義國家培植來白日
照耀黃金臺此身許國誓不二不信白骨生青苔近者
汝陽妖賊起揮刀殺人丹汝水侯指頭上解豸冠掌柱
乾坤立人紀侯頸可斷身可捐義不與賊同戴天背裂

齒碎加憤怒髮直上指目炯然賊刀入口鈎侯舌舌斷
含餉罵不絕孤忠既足明丹心三年猶須化碧血顏平
原張睢陽一日雖短千載長人誰不死死忠義汗簡至
今名字香朝廷易名賜廟食人誰無心應感激坐令忠
義銷光邪鑿井畔田歌帝力

沈孝孫孝感行為謝醫沈日新

吳東門葑泥千頃曾無根舟行滉漾渺無際天水日夜
相吐吞太平日久人煙聚落散布洲渚上繩獨網罟往

往成人村沈仲說父奉其高年之祖母避喧却掃於此安晨昏說也不惟文行一如李令伯零丁孤苦形影相依惟此祖與孫祖母今年九十歲十年三蒙賜帛恩孫扶母出拜君命能無芳鮮列酒樽阿婆喜懼一一為孫加啖歎便出泄瀉腑臟如雷奔耄齡久衰元氣薄數日不復欣盤飧說憂形於色苦形於言東吳世醫沈君日新父與沈世弊如水有委則有源新至切母脈察母虛實寒與溫謂非藥可療精鑿曾經膈水浸中有穀氣可

以回脾元作糜飲母病良愈說也樂甚再拜謝新難具
論嗟哉說與新時之人孝如說藝如新皆可敦薄俗厚
彝倫只今聖王敷五教舉逸民一朝徵車轡動龍伯國
陳情有表應更語諄諄新也上醫國固有道說也孝感
可以假上帝通神明是謂同姓不減骨肉親二子孝與
藝流布千秋春

虛靖天師大道歌

千峯秀攢龍虎山學仙之人住其間時乘飛馭下人寰

主掌符籙尸神姦虛靖維出千載後道風弊天高莫攀
如網有綱樞有環足以立懦而廉頑豈徒風霆走稟命
政使仙聖皆承顏大道甚夷民自艱大道甚經民自辱
天師興歌一哀唱只在身中無往還吁此血肉塊成壞
等草菅氣歸元海便無極箭射虛空真等閒無何虞趙
二公辯方始無乃七聖皆迷所見才一斑

碧海謠贈洪尊師

我逢碧海之仙人為賦碧海之仙謠霞光樓觀不在東

瀛大海外煌煌紫芝一年三秀近在計籌之山椒山椒
真人號南谷乘雲累侍通明朝其言皇帝王霸若指掌
聖心傾泞如以水沃焦白雲那知紫極貴歸休林壑殊
逍遙草衣木食甘應世土培茅茨或夢堯坐致公卿貴
人北面拜稽首真人眼空四海瞪次寥於時大弟子獨
稱薛與姚洪君之家在天目百年喬木風霜凋時從真
人問道巖谷裏暑時日爍石寒時雪齊腰道成真人駕
鶴去山頭每每聞吹簫於今三十載海遠天迢迢先輩

儀刑漸淪落何以使我鄙吝消騎牛青林躬畊苦日短釣
鰐碧海欲往嗟路遙別來幾度水清淺相逢鬢髮俱飄
蕭吳王城中暘欲斃擬渡碧海心旌搖便欲乘槎共君
去問君登真之要訣分君不死之藥苗萬一天風引舟
便勞君遠舉雲旗招

送朱善副使任古杭宣監

蓋管僧之官也

昔者雪山大沙門道如日月行乾坤屬法王臣俾外護
言雖已遠如生存爰自西來東震旦護法孰如我皇元

統以內外宣政院官僚皆選寧輔尊公為院副秩二品
橫金獻冷腰犀溫大江之南地萬里僧之賢愚難具論
公以憲監暫居此摩尼珠照濁水源我知公繼相業大
名登廟堂扣天闕太平勲業可坐致豈但安禪闡教報
佛恩異時丹青畫麟閣知是忠武魯公賢相之諸孫

觱篥吟次趙季文韻贈老伶杜寬

吳王故宮天早秋誰吹觱篥城南樓一吹風生鶴鶴乘
再吹何人敢伊優曲終引氣如刀鎬龍笛鳳笙皆不侔

五音歎薄一吸收玉關淚落定遠侯不獨壯士皆回頭
杜伶何來自中州目睫每射車前牛不以伎業寒颼颼
妙吹觱篥冠名流嚼宮噴徵無時休巧如春鶯轉曉簫
舌抽歛如飢鶻嘯樹呼高颺慘如國殤舉燐精靈夜相
求劃如雌龍挾雨歸吟百丈漱緯嫠與饗婦聽終各自
愁為問竹枝蘆葉若為寫出秦青謳四座皆感歎何如
謝安石素抱蒼生憂且復彈絲弄竹少為東山留我願
謝公上廊廟任臣鄰掌調燮鏘琳球一鳴簫韻下威鳳

和樂雖雖聞九丘毋但謠感策妙語高浮浮功成拂衣
滄海上仙人並轡驂螭蚪却憐江潭憔悴者悲世迫隘

賦遠遊

李早馬圖

外甥似舅明昌帝取法宣和尚工伎李早畫馬供奉時
畫院森森嚴品第冀之北土馬所生早也想見房星精
遂令龍媒出毫素側胷注目疑嘶鳴紈扇畫三騎郎君
峭鞍轡窄衫繡祫四帶巾靴尖曾踢中州碎紫絨軍敗

祁連山金鉏玉軸仍南還好事空餘扇頭馬至今拂拭
塵埃間

離鸞曲為貞婦徐夫人作

鸞孤飛鳳不歸百年雖遠情依依請彈離鸞曲祗愁聽
者哭夫死南征兒尚乳對鏡離鸞淚如雨大名城裏千
家杵不歌不相私相語為問嫠之哭月上斗橫屋兒啼
欲乳夢夫歸金創在骨血滿衣夫婦忠貞兩不遺匹如
鸞鳳參差飛母云青天遠千古令人覽德輝

題桐華烟卷

桐始華桐花開向荆溪之水涯
溪聲長繞孝侯廟桐陰盡覆吳生家
吳生家藏燒墨法傳自李潘久益嘉瓦溝
熱膏火蘊爐德結葩日掃桐花之煙三萬石
鬼物守護無疵瑕千杵萬杵白兔臼麋鹿搗膠無夜晝
製成龍香古圭璧玉剛金精石同壽奚老然松
化石潘癡坐井井裂甃二子却掃桐花煙生也與之誰
後先墨成飛上通明殿紅雲一朵捧宮硯試之漆黑勞磨研
吳生姓名

等潘李宵讓諸蒲先著鞭

贈薛相士

君不見會稽楊廉夫醉吹鐵笛聲嗚嗚又不見虎林張伯雨靈字溪邊待輕舉二字道異出處殊長歌短吟意缺

則俱薛生相人兩眼燿流電二字喜之皆贈以所製之詩書詩如于闐滿玉裝劒珮書似昆吾寶刀切琳腴生矜袖中有明月出以照我白髭鬚我鬢日加白我面歲增黑筆硯慚久蕪江湖厭為客生工鑑人知我者虞翻

骨屯由命也兒癡家貧四壁立誰為老韓念東野生見
張楊煩寄聲老來何處堪歸畔珠藏深淵劙在匣夜夜

空谷騰光晶

贈翰古清

虞公借榻宗鏡堂四衆鄉仰不暫忘古清上人獨見取
贈以金薤之琳琅公時目眚視貿貿文成欲寫難成行
殞星著紙廢屬讀風襟露帶斜低昂中言上人善幻化
神龍千丈一鉢藏蜿蜒委蛇各有態擘雲掣電金蛇光

海濤翻山霹靂碎怒捲河漢如壺漿世人蒿目不敢觀
師獨摩撫如馴羊神膏點鱗翠鬢舞金篦刮瘞星芒張
珊瑚千樹宮室祕獻以耆婆未覩之藥方師哀其誠為
摹寫風旗雷車兩脚霑點睛未了便飛去硯坳有墨空
淋浪願師騎之上帝都為問蒼生誰短長鳬眠鶴翥且
莫辨伽那定裏松花香

巖栖仙人歌

彼仙之人與神為謀舒嘯烟霞放浪林丘以六合為指

掌以千歲為春秋瞪霄漢之空碧渺白雲之孤遊疎星
向曙日光炯頰玉暎雪肌膚柔方騎闔風謁絳闕又采
瑤草過滄洲仙之人兮欲擅一壑美匪遲徊兮此淹留
彷彿素琴不復鼓得非與世方同憂龍蟠青藜杖花落
綠綺裘岸巾不掛壁翠髮風颺颺正研思慮探道奧金
匱石室非難紬想應誤騎斑龍墮謫籍於以輔相聖主
福齊州顛崖蒼生性命懸一縷可但獨樂身夷猶仙之
人兮須為謝安石莫學王子猷謝公廊廟上王郎澗之

幽窮而成仙達卿相君家子房出處真其儕功成拂衣
江海去笛聲尚殷岳陽樓

檳榔木拄杖歌

海南草樹四時綠至剛獨有檳榔木刻作仙人九節杖
昆吾之刀削玄玉吳人沈傳師腹撐書與詩茫然念我
老贈此珊瑚枝入手豈獨扶持力老蛟雖瘦鐵作脊何
況提攜指爪間玄冥側身避正色朝敲鄰扉看竹去鄰
翁指示三歎息此枝曾被猩猩攀酒痕尚留枝節間靈

藥結作雞心核蠻唾噀成花乳殷老夫方將東入海撐
拄殘骸謁真宰就中可有安期在杖頭挑得棗歸來分
餉傳師壽千載

松風吟

昔者谷仙之真人曾謁世皇通明殿殿上賜坐言諱諱
以為皇帝霸不殊冬夏春秋紫極雖貴白雲難親翩
然歸卧計籌峰下通玄館日聽松風不異大韶樂自謂
身是葛天民松風晴吹東日上蓬山閣外五采雲霞新

日方西傾月復白松風吹澗壑不著人間一點之埃塵
細而笙竽間奏有餘韻大而海濤怒鼓翻龍鱗真人卧
起食息聽不厭自謂軒轅張樂湘靈鼓瑟同天真有时
雨雪黯慘之寒夜有时花柳明媚之芳辰松風不吹樽
俎淡松風不吹肌骨皴真人於此時漱嘸太和朝玉宸
撼屋松風三日吹不醒安知便以神為馬尻為輪飛度
蓬萊弱水三萬里衆真懽言歸何晚坐吟松花屑粉沾
冠巾于今三十五寒暑天根月窟來往長頻頻濟濟山

中學仙侶或跨鸞鳳駿麒麟平升范蠡謾師友南郭顏成誰主賓善聽松風不以耳善御松風不以身真人有道傳不朽千古萬古無縉磷

自怡歌

緬惟陶隱居高卧松風樓太平晉主特延聘麟鳳宵向人間遊試詢山中何所樂白雲與我同悠悠當時江左難將作三綱墮地民風媿所以自怡者惟答白雲盈朧頭至今稱其高疑是神仙流東吳阿翁貞白齋不遂鞅

掌干王侯國政雖未數黎氓却懷憂憂民之責非預韋
布謀所以擺脫世寰聲勢利惟與白雲為伴儕芻豢豈
足適吾口綺綉何以開吾眸淡然白雲相近處那知倚
門骯髒風馬牛熟鍪翻餅紫纈賂方州車輪括頸牢執
圖小秋周為蝴蝶蝶為周天下之樂莫若怡雲優箇中
誰覺察身心亦相讐好如司馬之獨樂知者良寡昧者
稠吾聆此語奚翅釣天廣樂鏘琳球老髮雪種種戒得
當自脩便欲陪杖屢與雲同去留山中自怡者慨然許

識此意否慨然許識此意否

悲歌一首寄呈劉學齋相執王可矩張德昭二

尚書周雪坡大監王本中經歷貢吉甫司業

宇文子貞助教危太樸侍制貢泰甫授經陳

元禮孝廉列位

天星曾照遂昌山人家隱約木石巖巒間貞元丞相有
支裔避地東入浙甘與後孫麋鹿老死不復還五季閩
王鄭光祿至今拱木斬伐後尚爾青珊瑚使不念鄉井

俯仰應厚顏其如貧病日零落每企予望涕泣長潸潸
僑吳三十載惟餘此心在豈惟讀書老無成但覺出門
俱有礙三兒兩病一凡劣四體三完百崩敗貸粟方炊
薪水艱僥屋屢遷家具壞文章出售有誰收書籍縱沾
無可賣此心獨存何所似夜夜長虹發光怪青雲故人
祿萬鐘不割少許裨飢窮忍令江南秋雨夜頽垣腐草
啼寒蛩

李遵道海岳圖

李黃巖疎眉瘦體滿臆秋蘄蘄似厭分符礀谷底折腰
督郵面皺鬚毵毵竟騎鯨魚上天去帝憫人間留不住
乃令筆底飛墨如雲霧王維鄭虔本有素早年臨摹米
顛海岳圓黃巖非有顛非無庵空月落山木擁是中疑
有窮猿呼二子風流俱不泯寶月夜夜生珊瑚

趙松雪人馬

王孫昔騎天廐驥貌得名駒并圉人義臺路寢風日熾
繡字
缺錦鶴花柳春吾聞冀北之野每以穀量馬駿骨千

金古來寡世字缺騎之一天下鞭笞四海入裏蹄億兆

俯伏聽鳴嘶如何頻年頓失之對畫令人雙泪垂

黃公望山水

姬虞山黃大癡鶴衣垢面白髮垂憤投南山或鼓袒裼
勇飢驅東閣宵為兒女資不憚北遊行萬里歸來畫山
復畫水荆關復生亦退避獨有北苑董營丘李放出頭
地差可耳顏仙種术茅公山喜得此卷開心顏句曲千
巖萬壑縱深秀何似卷舒只在咫尺間

活死人窩為番陽胡道玄賦

我嘗夢登天身乘帝青雲下視六合大死人何紛紛尸
行鬼走不知魄天跳鬼踔無由分首戴髑髅蒿兩目腸
縣題湊空孤墳自謂策神智可以干明君自謂凋纂組
可以成華文自謂昭旂常可以銘前勲形如枯株心強
活氣如濕灰耳強聞哀哉腥腐窟何以能超羣天孫為
余言此皆不足云累累白骨成飛塵安知中有不死人
眉厖喉結目如電揮呵風雨走百神塌額玉陛下自稱

小兆臣臣之形骸與衆等久斷葷血腐肉皴言臣不死
誠謬妄固有不死丹元君丹元君在何處泥丸真人且
延駐一曲鸞笙五百年死人窩裏翻身去

送性僧遊徑山

憶昔苔溪登徑山童孩無識空躋攀但見五峯削玉倚
天外兼聞衆木戛樂下雲間振威何人喝石裂行脚有
僧挑月還神龍依禪井水立杜鵑啼血春花殷孤煙中
分白窈窕一雨忽洗青蘄顏何時復至舊遊處行蹤應

有蒼苔斑願從師去不可得起看蘿月空灣灣

雪巢

太古有積雪不在西蜀西西蜀之西雲山遠斲冰千仞
難攀躋豈如界溪之上肅侯宇虛室生白皦於楮正猶
積雪太古前表裏空明堪中處其處其誰世寡儔純淨
不涅緇塵羞素履恒因積後見冰潢夜轉銀潢流遂疑
巢居葛天氏不在木末并山頭三啟惜明啟牖戶九霄
排雲達遙路吳天月明日將曙銅盤盛得金莖露借問

脩梁初舉時見者喜氣盈芝眉巢成定產九苞鳳我老
為賦卷阿詩

陳履元畫玉山草堂

故人陳孟公辭如春雲氣如虹畫法師海岳山如騫鵬
樹如龍騎箕上天二十載有子鼈臚畫極工驚蛟噓雲
海浪白離鸞照水巖花紅皺鱗張簪聳鬱礧底松中有
一畝幽人宮石牀支頤睨飛瀑意遠欲托冥飛鴻我欲
從之不可得青山萬疊金芙蓉

趙松雪畫馬

地用莫如馬壺頭竟何施寒風善相不假式何必郭家
口齒謝家譽神駒龍變如何按式取譬之圓面八駿令
人嗤君不見房星精飛光夜流拽練明漢家都廐盡凡
骨冀之北土龍方生兒能引弓射烏鼠便解騎過宛王
城玉堂學士親眼見貌得風蹄燿流電山人半世只步
行髀肉何曾識鞍韁每每作詩題馬圖千金駿骨世所
無人間空費粉墨摹玄黃牝牡真成誑

高房山墨竹

高侯胷中渭川之千畝家居房山未必有如何文章政事之暇日能為此君圖不朽想當飛墨時蒼龍投硯池山雨急洗琅玕節海月靜照珊瑚枝自侯騎箕上天去浮世茫茫水東注千秋萬古房山雲載拜為侯賦墨君

倪元鎮古木竹石

雲林子外生死解內敬為天使帶經而鋤倦即休亦復拈筆為林丘樹枝鱗皴崖石幽若有人兮在空谷招之

不來兮雲慘瘁以令人愁

沈仲說畫樹石

風流沈傳師浩蕩江海姿默菴豈誠默開口譚書詩興
來捉筆畫樹石溪深岸高浪波白豪端無非篆籀法折
鐵中郎此其式世人貴耳賤目者於此却令三歎息

稽康柳下鍛圖

何所聞而來不妨柳下鍛何所見而去魏鼎不復爨哀
哉志士千古心有鍊弗鍛躍冶金

江鄉捕魚圖

人言東坡謫居海上時顧見漁釣之家樂嬉嬉問其生
涯煙波萬頃舟一葉問其日給鰥嫗小蠶日三炊有時
大魚入網即沽酒有時順風張帆即解維不知朝廷尊
嚴百官側枕聽雞起不知行役戴星出入世途愁險欹
蓬窗齁齁子女睡竹笛嗚嗚朝暮吹坡聞其言慘不樂
我身何有恒百罹瘴海南浮天接水家鄉往往夢見之
何如此漁者生不觸禍機麤衣穢飲既飽暖高蓋大馬

空奔馳我觀此圖重歎息無乃有似坡翁所見畫入無聲詩金緋貴官一射獵漁釣江湖勞夢思投毫寫圖意可見一射秋風雙鬚絲

僑吳集卷三